

անգաղար ասում էինք՝ հարկաւոր է միւս-
թեամբ գործել, հարկաւոր է միանալ. էլ
ի՞նչու թոյլ տալ, որ Ֆլան վարդապետը
կրնի երկրագործական ուսումնարան բանայ,
միւսը փոխադրական դպրոց հիմնէ և
դրանով թէ՛ արգելք լինի Միացեալ ընկե-
րութեան գործին, թէ՛ ֆլանսէ նրա եկա-
մունքներն Ասացէք խնդրեմ, ո՞վ կարող է
երաշխաւոր լինել, որ վաղը չի գայ Պօլսից
մի Վիոնիսիոս վարդապետ և կոնդակը ձե-
ռին՝ չի սկսի հանգանակութիւն յօգուտ
բացվելի փոխադրական դպրոցի— ո՞չ թէ
կարնոյ նահանգում, այլ օրինակ՝ Ախլա-
թում, կամ Մուշում, կամ Մանգլիսում,
քաղաքի անուններ շատ կարող ենք ասել
— «հարկաւոր չէ», չենք տայ նուիրաւոր-
ութիւն. նա քարոզներ կը խօսի, կերթայ
աղաներին այցելութեան, կը խնդրէ, կա-
ղաչէ, կը համոզէ— և իր ուզածը կանէ:
Միւս օրը գուրս կը գայ մի ուրիշը, և
այսպէս անվերջանալի մի շարք արեղանե-
րի, որոնք «չայրենաց սիրոյ համար», տա-
րիներ կը շրջեն քաղաքից քաղաք, լա-
կուշտ կուտեն, առատ եկամուտներ վեր-
կառնեն, ժողովուրդը «կը մտնի թարեմ» և
հազարներ թօփ անկով, կեննեն կերթան:
Եւ այնուհետեւ սպասիր, որ փոխադրա-
կան դպրոց պէտք է բացվի... իսկ միւս
կողմից թօղ Միացեալ ընկերութիւնը նե-
ղութիւն կրէ, ո՞ւմ պէտքն է. ո՞ւմ պէտքն
է. թէ վաղը այդ ընկերութիւնը ստիպված
կը լինի մէկ մէկ փակել իր ուսումնարան-
ները և իր ուսուցիչները յետ կանչել:

Բայց Միացեալ ընկերութեան մի ուրիշ
հիմնադրութիւն էլ կայ, որը գրաւած է
մեր համակրութիւնը և որին նպատակը
մեր պարտքն է: Արդէն տարածք աւելի է,
որ Խրիմեան հայրիկը՝ առանց մեզանից մի
կողմէ խնդրելու, բացել է վարձարայ վան-
քում մի երկրագործական դպրոց. դպրոցի
վարչութիւնը յանձնած է հմուտ երիտա-
ւորդ նշան Մագաթեանին, որ գործնական-
նապէս կատարելագործվել է Վերմանիայում:
Եւ արդէն գործը բաւականին առաջ է զը-
նացել: Բայց այդպիսի մի մեծածախ հիմ-
նադրութիւն կառավարելը երեւում է՝ զը-
ժուար է առանց կողմնակի նուիրաւոր-
ութիւնների ուստի հայրիկը մի երկու ան-
գամ «Մեղու» լրագրի միջոցով դիմեց ուս-
սահայ հասարակութեանը, նպատակ խնդրե-
լով մեզանից՝ տարեկան գոնէ 3 հազար
րուբլ: Սակայն՝ մինչև այժմ համարեա ու-
չինչ նուիրաւորութիւն ժողոված չէ. ի՞նչ
է, սպասե՛ք, որ վարձարայ երկրագործական
դպրոցն է՞լ փակվի. իսկ զանազան վեղա-
բաւորներ տարիներով շրջեն հայաբնակ քա-
ղաքները և մի այլ երկրագործական ու-
սումնարանի անունով փողեր ժողովեն, ծախ-
սեր անեն, աշակերտներ համար չափկա-
ցու և փարիքացու առնեն, պարտքեր վը-
ճարեն և ո՞վ գիտէ ե՞րբ ուսումնարանի
հիմքը ձգեն... Եւ իրաւի, դժուար է
հաստատապէս ասել — կը բացվի՞ ար-
դեօք կարնոյ երկրագործական դպրոցը:
մենք կարծում ենք, որ հասա-
րակութիւնը ապահով չէ, թէ
իր նուիրած գոյ մարըն պատա-
կին կը հասնի. և ահա ինչու. ա) —
ինչպէս անցեալ տարի տեսանք, կանայն-
պիսի անակնկալ դէպքեր, երբ հ. Ռուբին-
ները «իր նուիրական պարտք կը համա-
րի երկրագործական ուսումնարանի նուիրա-
ւորութեան գումարից հազար րուբլի
նուիրել յօգուտ սովորոց» («Փորձ», 1880,
N: 3, հ. Ռուբինեանի նամակը): Ո՞վ կարող
է ասել, որ էդուց էլ չի պատահի մի այս-
պիսի անակնկալ կարիք. և այնուհետեւ

հայր սուրբը դարձեալ իր նուիրական
պարտքը կը համարի հանգանակած գու-
մարից ցրուել այստեղ-այնտեղ: Այս մէկի
ընդհանուր տարի առաջ է. Ռուբինեա-
նը, բացատրելով հասարակութեանը իր ժո-
ղովարարութեան նպատակը, մի քանի ան-
գամ յիշում է, որ ինքն ունի այժմ և. Պօլ-
սոյ մէջ տասը հազար արծէքով մի
չէնք— որը նա նուիրում է ազգին և կտա-
կում իջմիածնի մայր աթոռին. բայց այդ
չէնքը «վերջին պատերազմի երեսէն...
փոքր ինչ պարտուց ենթարկվեցաւ»
 («Փորձ», 1879 N: 5, յայտարարութիւն-
ների մէջ) — Եւ թէ չեմ սխալվում, կարծեմ
չայլապէս էր, որ իր ժամանակին հերքեց
այդ տեղեկութիւնը «10 հազար արծէք
ունեցող» չէնքի վերաբերութեամբ, համա-
րելով նրան շատ չափազանցաբար և մի-
այն մի քանի հազար դուրուշի արծէք ու-
նեցող: Իսկ ինչ վերաբերում է «փոքր ինչ
պարտուց» — դրա մասին դժուար է մի
խօսք ասել, որովհետեւ ինքը հայր Ռուբին-
ները չէ բարեհաճել ո՞չ մի տեղ որոշ
կերպով նշանակելու իր պարտքի գումարը:
ուստի այդ փոքր պարտքը կարող է լինել
և՛ 100 րուբլ, և՛ 1000 րուբլ, և՛ 10 հա-
զար րուբլ՝ նայելով հայր սուրբի նպատակ-
ներին: Այսպէս ուրեմն՝ հ. Ռուբինեանի
հանգանակած գումարից հանելու է նախ
սովորոց նուիրած հազար րուբլը և այլ
այսպիսի անակնկալ դէպքերին հարկաւոր-
ած նուէրները, յետոյ՝ «փոքր ինչ պարտ-
ք», ապա՝ զանազան իրեղէնների առած
գումարը, որ կարծեմ 3—4 հազարի է
հասնում և որը պէտք է անշուշտ կորած
համարել, որովհետեւ քաթանկէն և այլ
այսպիսի ապրանքները կը փոխեն, կը փճա-
նան մինչև ուսումնարանի հիմնվելը: Ել
որքան գումար պէտք է ժողովէ հ. Ռու-
բինեանը, որ այս բոլոր խոշոր ծախսերը
հանելուց յետոյ՝ դարձեալ մեծ զրամական
միջոցներ ունենայ ամբողջ երկրագործական
ուսումնարան հիմնելու համար. խօսման
զանձներ պիտի չը դիզէ...:

Սրանից յետոյ մնում է մեզ հաստատ
մնալ մեր համոզմունքներին և կրկին ան-
գամ մի առ մի մէջ բերել այդ կէտերը. 1)
որ հ. Ռուբինեանի հանգանակութիւնը ան-
յարմար է և անօգուտ մեր գաւառական
քաղաքների համար, ֆլանսելով նրանց առ-
օրեայ անհրաժեշտ կարիքներին, 2) նա
ֆլանսակար է այնպիսի մի համազգային ըն-
կերութեան գործունէութեանը, ինչպէս
Միացեալ ընկերութիւնն է, խելով նրա
եկամուտները: 3) հապիւ թէ իրագործվի
երկրագործական ուսումնարանի դադափարը
հայր Ռուբինեանի ձեռքով, քան ի որ
հանգանակած գումարը և նու-
թաւրկուել է և գեո էլի կարող
է եւ թաւրկուել անպէտք և ան-
պահիւս ծախսերի ու պատա-
հարներին...:

Այս հիմունքներով՝ բոլորովին իրաւացի
կը լինի խնդրել հ. Ռուբինեանին, որ ա-
ռանց այլ և այլի, առանց կանխապէս գա-
նազան իրեղէնների գնելու շտապի ուսում-
նարանի հիմքը ձգելու, և եթէ մի տարուց
յետոյ էլ չիրագործվի ենթադրեալ երկ-
րագործական ուսումնարանը, այնուհետեւ
հայ հասարակութիւնը՝ չորս տարի իզուր
սպասելով, կարող է պահանջել, որ իր նուիր-
ած գումարը տեղափոխվի Միացեալ ըն-
կերութեան գանձանակը, այն ընկերութեան,
որի թէ՛ լայնածաւալ գործունէութիւնն է
մեզ յայտնի և թէ՛ դրամական զգալի կա-
րողութիւնը: Եւ այս տեղափոխելու ըսկզ-
բունքը օրինակ տուեց մեզ ինքը հ. Ռու-

բինեանը, նուիրելով յօգուտ սովորոց 1000
րուբլ «յանուն երկրագործական արուեստի
և վարժարանի նուիրաւորութեան գումա-
րից» ի բր և առաւել ստիպողական
և աւելի կարևոր պահանջ...»
 («Փորձ», 1880 թ. համ. 3 հ. Ռուբինեա-
նի նամակը) — Ուրեմն՝ եթէ Միացեալ ըն-
կերութիւնը ունի հոգալու «առաւել
ստիպողական և աւելի կարևոր
պիտոյքներ» — քան հ. Ռուբինեանի
քարոզած երկրագործական ուսումնարանը,
ապա ուրեմն պարզ է, որ հայր սուրբի
հանգանակած գումարը՝ կամ ամբողջովին,
կամ մասամբ պէտք է յանձնվի Միացեալ
ընկերութեանը և վարձարայ վանքի երկրա-
գործական վարժարանին, որ արդէն գոր-
ծում է: Շատ աւելի լաւ է պահպանել
եղածները, քան նորերը հիմնելու անունով՝
եղածներին էլ ֆլանսել:

Ահա թէ ինչ է մեր կարծիքը հ. Ամբ-
րոսիս Ռուբինեանի ձեռնարկած հանգանա-
կութեան մասին:

Բ.

ՆԱՄԱԿ ԴՈՒՅԱՅԻՑ

Յուլիսի 8-ին

Յիրաւի շատ զարմանալի է մեր հասարակու-
թեան անտարբերութիւնը դէպի ամեն ազգային
գործերը: Սրանից տաս տարի առաջ չուէցի պ.
Պօղոս Ալէքսանդրեան տեսնելով Ղուբայում ու-
սումնարանի կարեւորութիւնը, ձեռնարկեց այդ
գործին և ինքը նուիրեց 1000 րուբլ, թիֆլիսցի
պ. Ղ. Խզմիրեանց էլ հետեւելով առաջինի օրի-
նակին նուիրեց 200 րուբլ. բայց օրանից
գանկացան անձինք, որոնք կարծ ժամանակում
իրանց առատ նուիրաւորութիւններով հանցրին
գումարը 2500 րուբլու և բացին քաղաքի մէջ
մի դպրոց Հայոց հոգեւոր դպրոց անունով:
Առաջին անգամ ընտրված հոգաբարձուները
գործը լաւ տարան, բայց երբ նրանց ժամանակը
վերջացաւ, — ուսումնարանը սկսեց օրից օր ընկ-
նել:

Այժմ դպրոցը խղճալի դրութեան մէջ է. Հո-
գաբարձուները անտարբեր են, ուսուցիչներ չը
կան, կամ եղածներն էլ անպիտան են: Այժմ
մեր դպրոցը կարելի է չեղած համարել. Զուր
փողեր, զուր աշխատանք, Հայը միայն սկզբից
տաք է կպելու գործին, քանի նա նորութիւն է,
իսկ չուտով ամեն բանից ձեռք է վեր առնում
և անտարբեր կերպով թոյլ է տալի, որ շինածը
ինքն իրան քանդվի: Հայը միայն սէր ունի
դէպի շինելու ու ստեղծելու, իսկ մի անգամ չի-
նաճն ու ստեղծածը՝ աւելորդ է համարում պահ-
պանել: Հայի ոչ մի գործ տեղականութիւն
չունի:

ՆԱՄԱԿ ԽՄԲԱԳԻՐՆ

Թիֆլիս, 20 յուլիսի

«Մեղու» վերջին համարներից մինի մէջ կար-
դացվեք կարապետ Մատինեանց ստորագրու-
թեամբ մի նամակ, որի մէջ նամակագիրը «Մե-
ղու» թատրոնաւերի ակնարկութիւնները դերա-
սաններին չը մասնակցեալուն Աստղիկի ներկայաց-
մանը «ըրպարութիւններ և դրախտութիւն-
ներ» է անուանում, այսինքն, թէ Աստղիկը դե-
րասաններին չէ խնդրել և հետեւապէս դերասան-
ներն էլ ինչ հարկից ստիպված պէտք է իրանք
առաջարկէին Աստղիկին, որ ցանկութիւն ունեն
մասնակցելու նրա ներկայացմանը: Նամակի զըլ-
խաւոր միտքը, գոնէ ծածկը սա է համառօտա-
պէս:

Հետեւալ պարոնների՝ Գրիգոր Պարոն-Սարգե-
ւեանցի, Գրիգոր Տէր-Սարգիսեանցի, Ստեփան
Սարգսեանցի, Սարգսի Հովսեփեանցի մօտ պ.
կարապետ Մատինեանցը հաւատացնում էր, թէ
Ամատունին ասել է, եթէ դերասաններից մէկը
մասնակցէ Աստղիկի ներկայացմանը, նա էլ
խմբի մէջ չէ կարող լինել: Սարգսի Հովսեփեանցը
իր կողմից աւելացնում էր «Պարոն կարապետ,
չեմ կարծում թէ Ամատունին այնքան անփե-
նձն գտնվի, որ այդպիսի բան ասած լինի»:

բայց կարապետ Մատինեանցը պնդում էր հա-
մադական եղանակով. «ասել է, Հովսեփեան, ասել
է, մեզ Չմէլեանը ասաց»:

Պարոն Տէր-Վաթեկեանցը մեզ վերադարձնե-
լիս, բացի Սարգսեանցից, ասում էր՝ «եղբայր,
ես սիրով կը մասնակցեմ, բայց խօ չէի կարող
Աստղիկի պատճառով զրկվել իմ ապրուստից»:
և չարունակում էր «մանաւանդ, որ ես Աստ-
ղիկի անցեալ տարվայ բենեֆիտի տոմսակներից
քսան րուբլու չափ ծախել եմ և փողը մինչև
այժմ չեմ տուել, գոնէ այդ դուրս կը դար» —

«Մեղու» մէջ Մատինեանցի յօդուածը աղա-
ված օրը Արծրունու թատրոնում Աղայեանցի
օգտին արվելու ներկայացման կրկնութեան ժա-
մանակ, օրիորդ Վարդուհին (մշտական խմբի
դերասանուհի է) անա թէ ինչ ասաց, իրան՝ կա-
րապետ Մատինեանցին, Աղայեանցի, Գրիգոր
Պարոն-Սարգսեանցի, Մկրտիչ Տէր-Սիմեոնեանցի,
Գեղէն Մկրտչեանցի, Լևոն Վարձեկեանցի,
Սմբատ և Աղասի Հովսեփեանցի և օրիորդ
Մելիքեանցի ներկայութեամբ. «ինչ խնդրեց
Աստղիկը, որ մասնակցեմ իր ներկայացմանը, ո-
րովհետեւ ես էլ լսել էի, որ մի բան կայ, առաջի
նրան, որ գնամ հանգամանքները խմբում և այ-
նուհետեւ կտրական խօսքս կասեմ» — Եւ այդ
սանդղեան այգիում պատահեց կարապետ Մա-
տինեանցին և Տէր Վաթեկեանցին. սրանք առա-
ջին, որ Ամատունին հրամայել է, եթէ մեր դե-
րասաններից մէկը համարձակվի մասնակցել
Աստղիկի ներկայացմանը, նա էլ խմբում չի
լինի. — Մատինեանցը կարմեց, գոյնը մի
քանի տեսակների փոխեց... և ինչ, ընդհանուր
ծիծաղը և չսպասաւորութիւն և ամօթ թեց, կա-
րապետ — բաւերը ներկայ եղողների վերջ դրե-
ցին խօսակցութեանը:

Այժմ այս բոլորից յետոյ, ընթերցողին ենք
թողնում, թէ ինչ անուն կարելի է տալ Մատի-
նեանցի յօդուածին: Ճշմարտութեան դէմ գրել
սրան — նրան հաճոյանալու համար պատիւ է
բերում «մարդ» անուն կրողին, պարոն Մատի-
նեանց:

Յարգալ խմբագիր, ճշմարտութիւնը ոտնակոխ
արած տեսնելով, չը կռնակեմք լուր, քանի որ
մեր լուրերում խղճմանքի դէմ գնացած կը
լինենք: Այս նամակը ուղարկեցինք «Մեղու»-ն
բայց նա չուէց սպել: Ուստի խնդրում ենք
բարեհաճեցէք ճշմարտութեան անունով տպել
ձեր լրագրի մէջ այս մեր մի քանի տողերը: —

Գ. Պարոն-Սարգսեանց, Լ. Վարձեկեանց, Օր-
Մելիքեան, Աղասի Հովսեփեանց, Գրիգոր Տէր-Սար-
կոսեանց, Սմբատ Հովսեփեանց:

ՆԱՄԱԿ ԽՄԲԱԳԻՐՆ

Մոսկովա, 20 յունիսի

Ինչպէս յայտնի է «Մեղու» ընթերցողներին
— այդ լրագրի 72 համարում լոյս տեսաւ մի
յօդուած «Մի քանի խորհրդակցու-
թիւններ և ազարեան ձեռնարանի առ-
թով»: Թէն յօդուածի ստորի որոշապէս դրած
է «Պետերբուրգ» և Լ. ստորագրութիւնը, այնու-
ամենայնիւ գանկացան այստեղ անձինք, որոնք
— ով գիտէ ինչ զգացմունքներից զրկված — վե-
րագրեցին այդ յօդուածը ինչ և զեռ մինչև այ-
սօր չարունակում են իրանց անհիմն և անտեղի
զրպարտութիւնները: Յայտնում եմ հրապարա-
կապէս, որ վերոյիշեալ յօդուածի հեղինակը
ես չեմ:

Կ. Խալաթեանց

ՆԵՐՔԻՆ ԼՈՒՐԵՐ

ԱՍՏԻԿԱՆԻ հայոց հոգեւոր դպրոցների հո-
գաբարձութիւնը հրաւիրում է պատրաստակա-
ն դասաւանդի համար հայոց ընթերցանութեան
ուսուցիչ, ոչ փոքր 20 զատ ունենալով շարա-
թական, տարեկան 400 րուբլ ռոճիկով: Ճանա-
պարհի ծախսը 50 րուբլ հոգաբարձութեան կող-
մից է: Պէտք է ներկայացնել ուսման վկայական
մինչև օգոստոսի 10-ը, իսկ ուսումը կը սկսվի
սեպտեմբերի 1-ից:

ԱՍՏԻԿԱՆԻ մեզ գրում են, «Երկրի» 13-ին
մի եղեռնագործութիւն պատահեց Արաթութեան
նից Ախալցխա ճանապարհի վրա: Մի գնդապե-
տի երիտասարդ կին վարձում է Արաթութեան
նում մի կառք Ախալցխա գալու համար: Ճա-
նապարհին կառապանը շեղվելով չուէց, զընթ-

տեղնում է կառքը մինչև երեկոյ, յետոյ կանգնեցնելով կառքը յանկարծ ընկնում է տիկնոջ վրա և կամենում է բռնաբարել: Կինը պաշտպանվում է, աղաղակում է, լայց ոչինչ չէ օգնում. կառքանքը պինդ կապում է նրա ձեռները և բռնաբարում է նրան: Իր գործը վերջացնելուց յետոյ այնու ամենայնիւ հասցնում է կիսամեռ կնոջը Ախալցխայի: Երկուստարդ կինը որ հիւանդ պառկած է այժմ Ախալցխայում, գանգատվել է քննիչին: Չարագործը կալանաւորված է և քննութիւնը սկսված:

Ախալցխայից մեզ գրում են որ այդ քաղաքի աղքատները իտրչում են սովամահ, որովհետև պ. գաւառապետը արգելել է նրանց օգտին զանազանակ պատեցնել, ինչպէս վաղուց է սովորութիւն է եղած Ախալցխայում:

ԱՆԷՔՍՍԱՆԳՐԱՊՈԼԻՑ մեզ գրում են, Վոսօ օրերս Փոքր-Պարնի գիւղում մի հարս ուղեցել է իրան խեղդել: Տանը առանձին լինելու ատեն, յարմար ժամանակ գտնելով, չուանը կախել է և գցել է վիզը: Բաղաւորապէս մի կին իր դրացիներէից, պատահմամբ ներս մտնելով, տեսնում է այդ անձնասպանութեան փորձը, չուանով կտրոցը գրպանից հանելով, կտրում է չուանը և հաղե հազ աղատում հարսին: Անձնասպանութեան այդ փորձի պատճառը յայտնի չէ: Այդ տեսակի դէպքեր շատ են պատահում գիւղերում:

Այս օրերս մենք ստացանք տպագրելու համար հետեւեալ գանգատը թիֆլիսի հացափառաներից: Հացափառաների (բուլօնիկների) ուստաբաշի, պ. Է. Ե. Ե., ստիպել է հացափառաներին վճարել 10-ական բուլը տարեկան տուրք, որ ցարդ գոյութիւն չէ ունեցել և չէ արդարանում օրէնքի ոչ մի յօդուածով: Իր նպատակին հասնելու համար Է. Ե. Ե. սպառնացել է հացափառաներին նրանց մանրափառանութիւնը արգելել, յորդորել է գործարանատէր հացափառաներին, որ նրանց հաց չը տան մաս մաս ծախելու համար և յօդուած 11-ին իր անիրաւութիւնը այն աստիճան է հասցրել որ քաղաքումս սարդ թիւրքիսպատակ հայ հացափառաներից երեքին բանտարկել է տուել պոլիցիայում: Այդ օտարահպատակ աղքատներից 10 բուլը տուրք պահանջել անիրաւ բան է, քանի որ գործարանատէր կարող հացափառաները մինչև անգամ տարեկան 3 բուլից աւելի հարկ չեն վրձարում: Եթէ ուստաբաշին իրաւունք ունի ինքնազուլի այս կամ այն տուրք հաստատել, աղքատներին հարստահարել և նրանց բանտարկել: Հացափառաները դէպի մեզ ուղղված իրանց գանգատի մէջ աւելացնում են, որ իրանք ցարդ բուլ օջիւրի կնիքի է ստացել մէջ ձայնի իրաւունք չեն ունեցել, ուստաբաշու քնտրութեանը չեն մասնակցել: Արեւմտ մի մարդ որ իրանցից ընտրված էլ չէ, իրաւունք է համարում բռնաբարել նրանց վրա, պատժել, բանտարկել այն անձանց, որոնք նրան իրանց ուստաբաշի չեն կարող ճանաչել: Տեղական կառավարութեան և քաղաքային վարչութեան աշխատակիցներն ենք դարձնում այդ անկարգութիւնների վրա:

Յուլիսի 15-ին տօնվեցաւ Պիտաիգորսկում երեկի ուսու բանաստեղծ Լեւոնտովի մահվան 40 տարվայ տարեդարձը: Լեւոնտովի կիսարձանի պատուանդանում, ներկայութեամբ ամեն կողմից եկած պատգամաւորութիւնների և բազմաթիւ հասարակութեան, զբոսացան շատ պատկերներ, որոնց թուում ինչպէս հաղորդում է «Московский Телеграф» լրագիրը իրանց գեղեցիկութեամբ ամենից շատ ուշադրութիւն էին դարձնում երկու պատկերներ: միւր օֆիցիներների ընկերութեան կողմից, միւսը հայոց հասարակութեան կողմից: Երեկոյան տրվեցաւ խնջոյք, որից հոյապատ 2,010 բուլը գործ կը զրկի բանաստեղծի յիշատակին արձանի կառուցմանը: Բաղաւորում էր:

«Полозе» հաղորդում է որ Սիմֆերոպոլի զենամտի վարչութեան նախագահ Վիկտոր Ե. Թարկված է քրեական դատաստանի, մեղադրվելով պետական յանցանքի մէջ:

«Русский Курьер» լրագիրը հաղորդում է որ Գեղարական մանափողոցների նախագահներին նորերումս իրաւունք է տրված յետ դարձնել արգելված գրքերը:

Յայտնի է որ ներքին գործերի մինիստրութիւնը արգելեց Սմոլենսկ քաղաքում հրատարակել «Смоленский Вѣстник» լրագիրը ութ ամսով: Այժմ «Русский Курьер» լրագիրը հաղորդում է որ Սմոլենսկի նահանգի բնակիչները խեղդիւր են ներկայացրել ներքին գործերի մինիստրին պալատեցնել յիշեալ լրագրի խափանման ժամանակամիջոցը և կրկին թոյլ տալ որ այդ թերթը հրատարակվի, աչքի առջև ունենալով այն մեծ օգուտը որ նա բերում էր ամբողջ նահանգին:

Մի գաւառական քաղաքի հայ դպրոցի համար հարկաւոր են երկու ուսուցիչներ: մինը ուսուցիչ լեզուի, միւսը թւարանութեան չափական 18 դասերով, իւրաքանչիւրը 600 բուլը ուժեղով: Տեղեկութիւն տալու համար կարող են դիմել «Մշակի» խմբագրութեանը:

ՆՈՒԽՈՒՅ մեզ գրում են: «Այստեղ իրստ յաճախ են կրկնում սպանութիւններ և հրդեհներ: Այս վերջին ամսվայ ընթացքում Նուխում մեջ մօտ տաս մարդ է սպանված և չորս թէ ինչ տուժն աչրված: Վերջին ժամանակ աչստեղ տարածված է մի տեսակի հիւանդութիւն, որով բոլորովին առողջ կազմուածքի տէր մարդիկ յանկարծ ընկնում, մեռնում են: Այդ բանի վրա ուշադրութիւն դարձնող չը կայ:»

ՆՈՒԽՈՒՅ մեզ գրում են: «Այս օրերումս մի լեզգի հիւանդ կին, որի ոտի ոսկորները փշրված են, կառքով գնալիս է լինում բժշկի մօտ: Երբ կարծ մի կազակ կառքի առաջը կտրելով հրամայում է անձան կնոջ վայր իջնել, ասելով թէ կառք մի մեծաւորի համար հարկաւոր է և փողոցում նա ուրիշ կառք չէ գտել: Երբ կինը յայտնում է կառքից իջնելու իր անկարելիութիւնը, կազակը առանց այլեայլութեան մտրակներով հարուածներով վայր է գլորում խեղճ կրնալը կառքի միջից:»

Մի գաւառական գործարանում ուսուցիչները իր տեսակ Որչալի հաճախեան կազմում է մի բազմաթիւ ուսուցչական խումբ: Եւմիածին գնալու համար, ինչ աղէկ միտ կը լինի, որի բէկտօրը հաճախեանը կը լինի (Գարբիէ Այլազովսկուց յետոյ), իսկ պրօֆէսորները կը լինեն աւելով հաւաքված ուսուցիչներ: Այդ աղէկ միտայից աղքատ պիտի սպասի իր լոյսը:

Ս. ՊԵՏԵՐԲՈՒՐԳ-ԻՅ մեզ գրում են որ գերմանացի գիտնական Կիպլերտի և Ս. Պետերբուրգի հայ ազգասէրների մէջ պայմանները չը կայացան, ուստի Հայաստանի աշխարհագրական քարտէզը չի տպվի:

Թիւրքաց Հայաստանից եկողները մեզ պատմում են որ այժմ այնտեղ ճանապարհորդութիւնը անվտանգ է: Երբոր միջ մինչև խուսա, խաթ, Մուշ, Բաղէ և Խարբերդ ապահով է: Միայն Կիպրէթի լիւայէթում և Ջուլալիքի, Աղբալի և Բէյթուլի սանջակներում քերթը ցեղերը առաջուկ պէս ճանապարհորդներին կողոպտում են: Ամենաանպահով տեղերը Հին-Բայազէտից են մինչև Վան: Այդ ճանապարհի վրա թէ բազմաթիւ աւազակներ կան և թէ ինքն թիւրքաց կառավարութիւնը անհանգիստ է անուժ ճանապարհորդներին, նրանց վրա կասկածանքով նայելով և շատ անգամ բանտարկելով նրանց:

ԱՆԷՔՍՍԱՆԳՐԱՊՈԼԻՑ մեզ գրում են, «Այս օրերս լուր տարածվեցաւ, որ մեր կողմերի հայերին թոյլ է տրուած գաղթել Ղարսի նահանգը: Հաստիք գիւղացիներից որոնք հօգից զուրկ են, բայց կուղենային պարապել երկրագործութեամբ, իսկոյն խնդիրք ներկայացրին, բայց կրկին մերժում ստացան:»

Մեզ գրում են Ալեքսանդրապոլից որ այդտեղ եղանակները զով են անցնում, անձրևները գալիս են, մի անգամ կարկուտ էլ տեղաց, բայց փաս չը տուէր: Գարին քաղվել է արդէն դաշտերում, ցորենն էլ սկսում են քաղել: Հունձերը օստիկ առատ են, խոտը անցեալ տարուանից փոքր ինչ պակաս է: Կենսական պիտոյքների գները ինչում են:

ԱՐՏԱՔԻՆ ՏԵՍՈՒԹԻՒՆ

ԳԵՐՄԱՆԻԱ

Գերմանական պահպանողական կուսակցութիւնը իրան համարում է ճշմարտութեան միակ պաշտպան: Կառավարական կամայականութեան այդ պաշտպանները անամօթաբար դործում են այն ժողովրդի անուկով, որին նրանք անդադար ճնշում են: Բայց նրանց անամօթութիւնը երբէք այնքան մեծ չէ եղել ինչպէս այժմ: Մասնութիւնը նրանց համար սովորական գործ է դարձել: Ընդդիմադրականների դործունէութիւնը նրանք անուանում են դաւաճանութիւն գահին և հայրենիքին: Յայտնի ուղղութեան լրագիրները, որոնք կառավարութիւնից դրամական օժանդակութիւն են ստանում, փախչում են ազնիւ վիճաբանութեանց բուն հարցի մասին և իրանց հաւաքակորդներին դաւաճաններ են անուանում:

Ինչպէս երևում է, գերմանական պահպանողականները հայրենիքը իրանց սեփականութիւն են համարում: որի դործերին միջամտելը նրանք արգելում են ազատամիտներին և առաջադէմներին: Պօլիտիկայի այդ ձևի մասին գաղափար կազմելու համար կարելի է առաջ բերել հետեւեալ օրինակը: Գերմանական ազատամիտ լրագիրներից ամենանշանաւոր «Berliner Tageblatt» լրագիրը նորերումս մի յօդուած տպեց, որտեղ ասուած էր, թէ որքան էլ ընդդիմադրականները թոյլ լինեն իշխան Բիսմարկի առաջ, այնու ամենայնիւ նոյնքան ամուր և հաստատ պէտք է մնան, որքան հաստատ էր Ֆրանսիական օրէնսդիր ժողովի մէջ երեւելի «Հինգի» ընդդիմադրութիւնը: Գերմանական կիսապաշտօնական լրագիրները հետեւեալ մեկնութիւնը տուին այդ յօդուածին: «Հինգի» ընդդիմադրութիւնը Նապոլէոն III ժամանակ հանրապետականներից էր կազմված: Նա ձգտում էր ոչնչացնել Ֆրանսիայի մեջ կայսերութիւնը և հասաւ իր նպատակին: Ֆրանսիական պատերազմից յետոյ, ուրեմն ազատամիտները և առաջադէմները նոյնպէս ձգտում են թագաւորոյ տան անկմանը օտարների օգնութեամբ և Գերմանիայի ընդդիմադրական ազատամիտ կուսակցութիւնը յիշափոխական տարր է կազմում և կամենում է հայրենիքին դաւաճանել: Սրանից կարելի է եզրակացնել, որ մինչև անգամ խօսել աւելորդ է ազատամիտների հայեացքների վրա գերմանական պետական գործերի մասին և ամեն տեսակ համակրութիւնը դէպի ազատամիտների կարծիքները պէտք է դաւաճանութիւն համարել:

Բաղաւորապէս այսպիսի մտքի յայտնում են կիսապաշտօնական անձինք և լրագիրներ, որոնք կառավարութիւնից դրամական օժանդակութիւն են ստանում և որոնք գերմանական լուսաւորված շրջանների մէջ ոչինչ համարում չունեն: Գերմանիայի մէջ պահպանողականները բոլորովին չեն տիրապետում և երբեմն նրանց ծաղրալի գործողութիւնները բոլորովին այնպիսի տպաւորութիւն չեն գործում, ինչպէս ցանկանում է կառավարութիւնը: Գերմանական հասարակական կարծիքը չափազանց դարդացած է և միջոց ունի կատարելապէս ազատ արտայայտվել:

Գերմանիայի մէջ նորերումս մի բրօշուր հրատարակվեցաւ «արմատական ազատամտութիւն» վերնագրով: Այդ բրօշուրի հեղինակին իշխան Բիսմարկ շնորհակալութիւն յայտնեց մի նամակով, որով ինքը ա-

պացուցանում է բրօշուրի հեղինակի կարծիքը, թէ ընդդիմադրական կուսակցութիւնը անընդունակ է և կարող է միայն անօգուտ կրիտիկա անել: Պետական կանցլերը չէ յիշում, որ ընդդիմադրականները միջոց չունեն իրագործել իրանց սկզբունքները և որ իշխան Բիսմարկի կառավարութեան բոլոր ժամանակ նրանց իրաւունք է տրվել միայն կրիտիկա անել: Հետեւապէս անհիմն է եղալակցութիւնը ազատամիտ կուսակցութեան անընդունակութեան մասին:

ԽԱՌՆ ԼՈՒՐԵՐ

Անգլիայի դատարաններից մէկում նորերումս դատվում էր մի ութ ամսական աղջիկ, Ջոյա Մանսֆիլդ անունով, որը մեղադրվում էր օտարի սեփականութեան փչացնելու մէջ: Յանցանքը հետեւեալ կերպով էր կատարված: Աղջիկը կուշուտելուց յետոյ, զլորվում էր խոտի վրա հարեւան այգում, ուր քոյրերը տարել էին նրան: Այգին մէկ լուսացարար կնոջն էր պատկանում: ցանկի վրա փռած էր մէկ գերասանուհուն պատկանող բարակ սպիտակ բազանիքի չապիկ, կարված թանգազին ասղնեգործներով: Աղջիկը սողալով մօտեցաւ ցանկին, չը նայելով նրա հասակին, երբ պճառաբարութիւնը դեռ եւ չէ զարթնում, այդ գեղեցիկ շորը այնքան հաւանեց նա, որ սկսեց դէպի ինքն քաշել, որ կարողանայ դրանով մօտիկից դուրսանալ: Գոյազգաւոր այդ զուարճութիւնը տեսնելով վերջ ունեցաւ: քնքոյճ ասղնեգործը փոքրիկ աղջկայ ոչ պակաս քնքոյճ ձևաբերում մէկ անձուներ խճճված բան դարձաւ: Բայց որովհետև անգլիական օրէնքներով անպափաստները պատասխանատու են օտարի սեփականութիւնը փչացնելու համար, այդ պատճառով վճարված դրասանուհին ձի երկխայի վրա գնալու տուէր դատարանին: Գատը երկար չարժեանքվեց: Գայր, ներկայ լինելով որպէս պաշտպան, ամեն բոլոր օգուտ էր քաղում իրաւունքից և խօսում էր յօդուածի կլիէնտի: Ինքն մեղադրվածը շատ անգամ վիճաբանութիւնները ընդհատում էր իր բարձր աղաղակով: Վերջապէս դատարանը, աչքի առաջ ունենալով նրա քնքոյճ հասակը, թէկ մեղադրվածին ամեն տեսակ պատժից ազատեց, բայց դատաւարանից նրան 50 ֆունտ ստերլինգ տուգանքի, երբ նա կարողութիւն կունենայ այդ անձամբ անելու: Կարծես թէ փոքրիկը զգում էր իր անաջողութիւնը: Նա ճանկրտեց դատաւորի բիթը, որը դատաստանեց վերջը կամենում էր համարել նրան:

«ՄՇԱԿԻ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆՆԵՐ

Ս. ՊԵՏԵՐԲՈՒՐԳ, յուլիսի 22-ին «Пра-вит. Вѣстн.» լրագիրը հաղորդում է որ Թագաւոր Կայսրը, Օգոստոսի 1-ին ընտանիքի հետ, Նիժնի-Նովոգորոդ քաղաքից ուղևորվեց «Օտվաժնի» շոգենաւով Վոլգա գետի ճանապարհով մինչև Կոստրոմա նահանգի սահմանները: Շոգենաւին գիմաւորեց մի պատգամաւորութիւն հացով և աղով:

ՄՇԱԿԻ ՊԱՏԱՍԽԱՆՆԵՐ

Վ. Ա. Կ. Կ. Կ. Ս. Ս. Ցաւում ենք որ ոչինչ տեղեկութիւն չենք կարող տալ ձեզ թէ որտեղ կարելի է այս տարի լաւ յատկութեան բօսօմներ ձեռք բերել: Գուցէ կամենաք որ յայտարարութիւն տպենք այդ մասին: այն ժամանակ կարելի է կը յայտնվեն բօսօմ ծախելու ցանկացողները:

— ԵՐԵՒԱՆ Յ. Ա. Պարսի Ի. սխալվել է: Այդ մասին մանրամասն նամակ կը գրենք ձեզ: — ՂՈՒՐԱՆ. Ա. Մենք ոչինչ տեղեկութիւն չենք կարող տալ ձեզ գուլթանների և այլ երկրազորական մեքենաների որպիսութեան մասին: Ձեր աղբիւր կը հաղորդենք Ռուս-Ամերիկական մագաղին և խնդրում ենք նրա հետ զրազրութիւն ունեցէք:

Խմբագիր—հրատարակող ԳՐԻԳՈՐ ԱՐՏՈՒՆԻ
ՏԵՂԱՅԻՆ ԽՈՒՆԵՐԵՐ